

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva finansija, Vlada Zeničko-dobojskog kantona, na 30. sjednici, održanoj dana 22.11.2019. godine, d o n o s i

ZAKLJUČAK

I.

Prihvata se Informacija Ministarstva finansija Zeničko-dobojskog kantona, broj: 07-06-1326-3/19 od 19.11.2019. godine o poduzetim aktivnostima Ministarstva finansija Zeničko-dobojskog kantona na realizaciji presuda Evropskog suda za ljudska prava u predmetima Šain Stjepan i 53 druga protiv Bosne i Hercegovine, ap. br. 61620/15 i 53 i dr, Elčić Maida i 5 drugih protiv Bosne i Hercegovine, ap. br. 34524/15 i dr., Dujak Vinko i 52 druga protiv Bosne i Hercegovine, ap. br. 17303/15 i dr i Hrnjić i 57 druga protiv Bosne i Hercegovine, ap. br. 20954/13 i dr. i čini sastavni dio ovog zaključka.

II.

Vlada Zeničko-dobojskog kantona je opredjeljena i spremna za isplatu sredstava po presudama iz tačke I. ovog zaključka u skladu sa međunarodnim konvencijama, ustavom i zakonskim propisima, a nakon pribavljanja traženih mišljenja i stavova od nadležnih sudova i drugih nadležnih organa o zakonitom načinu isplate i ovlaštenim osobama za naplatu dosuđenih sredstava.

III.

Zaključak stupa na snagu danom donošenja.

PREMIJER

Mirza Ganić

Broj: 02-_____/19
Datum, 22.11.2019. godine
Z e n i c a

DOSTAVLJENO:

1x Ministarstvo finansija,
1x Ministarstvo za pravosuđe i upravu,
1x Ured premijera,
1x Kantonalno pravobranilaštvo Zenica,
1x Ministarstvo za ljudska prava i izbjeglice,
Ured zastupnika/agenta Savjeta ministara BiH pred
Evropskim sudom za ljudska prava Sarajevo, putem Ministarstva finansija,
1x a/a.

**ZENIČKO-DOBOJSKO KANTON
MINISTARSTVO FINANSIJA
ZENIČKO-DOBOJSKOG KANTONA**

INFORMACIJA

o poduzetim aktivnostima Ministarstva finansija Zeničko-dobojskog kantona na realizaciji presuda Evropskog suda za ljudska prava u predmetima *Šain Stjepan i 53 druga* protiv Bosne i Hercegovine, ap. br. 61620/15 i 53 i dr, *Elčić Maida i 5 drugih* protiv Bosne i Hercegovine, ap. br. 34524/15 i dr., *Dujak Vinko i 52 druga* protiv Bosne i Hercegovine, ap. br. 17303/15 i dr i *Hrnjić i 57 druga* protiv Bosne i Hercegovine, ap. br. 20954/13 i dr., a u skladu sa aktom Premijera broj: 02-14-14962/19 od 07.10.2019. god.

Novembar 2019. godine

I UVOD

Zeničko-dobojskom kantonu su uz akt Ureda zastupnika/agenta Savjeta ministara BiH pred Evropskim sudom za ljudska prava, broj: 11-Ap-7/18-49/19 od 28.01.2019. godine, dostavljene na izvršenja presude Evropskog suda za ljudska prava u predmetu *Šain Stjepan i 53 druga* protiv Bosne i Hercegovine, ap. br. 61620/15 i 53 i dr i *Elčić Maida i 5 drugih* protiv Bosne i Hercegovine, ap. br. 34524/15 i dr., te uz akt Ureda zastupnika/agenta Savjeta ministara, broj: 11-Ai-3/19-67/19 od 13.02.2019. godine, dostavljene na izvršenja i presude Evropskog suda za ljudska prava u predmetu *Dujak Vinko i 52 druga* protiv Bosne i Hercegovine, ap. br. 17303/15 i dr i *Hrnjić i 57 druga* protiv Bosne i Hercegovine, ap. br. 20954/13 i dr.

Iz navedenih akata Ureda zastupnika/agenta Savjeta ministara BiH pred Evropskim sudom za ljudska prava, proizilazi da je na osnovu navedenih presuda Evropskog suda za ljudska prava, za Zeničko-dobojski kanton nastala obaveza da obezbijedi potpuno izvršenje domaćih sudskih presuda donesenih u korist aplikanata, koje su bile predmet postupka pred Evropskim sudom, u roku od tri mjeseca od dana kada su presude postale konačne, te da u istom roku isplati 1.000 eura po aplikantu na ime nematerijalne štete i 350 eura po aplikaciji na ime troškova i izdataka, plus svaki porez koji može biti zaračunat na navedene iznose.

U navedenim dopisima je navedeno da su presude u predmetima *Šain Stjepan i 53 druga* protiv Bosne i Hercegovine, ap. br. 61620/15 i 53 i dr, *Elčić Maida i 5 drugih* protiv Bosne i Hercegovine, ap. br. 34524/15 i dr., postale konačne 17.01.2019. godine, i da je od ovog datuma počeo da teče tromjesečni rok u kome je potrebno izvršiti predmetne presude u odnosu na aplikante, odnosno da svi navedeni iznosi naloženi predmetnim presudama u odnosu na aplikante moraju biti isplaćeni najkasnije do 17.04.2019. godine.

Također, navedeno je da su presude u predmetima *Dujak Vinko i 52 druga* protiv Bosne i Hercegovine, ap. br. 17303/15 i dr i *Hrnjić i 57 druga* protiv Bosne i Hercegovine, ap. br. 20954/13 i dr., postale konačne 07.02.2019. godine, i da je od ovog datuma počeo da teče tromjesečni rok u kome je potrebno izvršiti predmetne presude u odnosu na aplikante, odnosno da svi navedeni iznosi naloženi predmetnim presudama u odnosu na aplikante moraju biti isplaćeni najkasnije do 07.05.2019. godine.

U aktima Ureda zastupnika/agenta Savjeta ministara BiH pred Evropskim sudom za ljudska prava je navedeno: „u slučaju kašnjenja za Vladu Zeničko-dobojskog kantona nastaje obaveza da na gore navedene iznose plati običnu kamatu po stopi jednakoj najnižoj kreditnoj stopi Evropske centralne banke u periodu neplaćanja, uvećanoj za tri postotna boda.“

II. DONOŠENJE ODLUKA VLADE ZENIČKO-DOBOJSKOG KANTONA broj: 02-14-6458/19 od 16.04.2019. godine i broj: 02-06-7733/19 od 07.05.2019. godine u po presudama Evropskog suda za ljudska prava u predmetu *Šain Stjepan i 53 druga* protiv Bosne i Hercegovine, ap. br. 61620/15 i 53 i dr i *Elčić Maida i 5 drugih* protiv Bosne i Hercegovine, ap. br. 34524/15 i dr.

Za izmirenje ukupnih obaveza (glavnica, troškovi parničnog i izvršnog postupka, kamate, namaterijalna šteta, troškovi i drugi izdaci po aplikaciji, itd.), po osnovu gore navedenih presuda bilo bi potrebno obezbijediti i iz Budžeta Zeničko-dobojskog kantona isplatiti **cca 3,5 miliona KM.**

U Budžetu Zeničko-dobojskog kantona za 2019. godinu („Službene novine Zeničko-dobojskog kantona“, broj 3/19), na poziciji Budžeta “Sredstva za isplate po apelacijama Ustavnog suda i Evropskog suda za ljudska prava”, u 2019. godini planiran je iznos od 3.500.000,00 KM.

Ministarstvo finansija se svojim aktima, broj: 07-06-1326-2/19 od 05.03.2019. godine i broj: 07-06-1326-2-2/19 od 25.03.2019. godine, obratilo Ministarstvu za ljudska prava i

izbjeglice, Ured zastupnika/agenta Savjeta ministara BiH pred Evropskim sudom za ljudska prava Sarajevo za mišljenje o načinu postupanja po navedenim Presudama Evropskog suda za ljudska prava.

U navedenim aktima je traženo mišljenje o tome da li plaćanje obaveza aplikantima u skladu sa navedenim presudama Evropskog suda za ljudska prava, **ima prioritet u odnosu na sve ostale povjerioce Kantona** (za koje Evropski sud za ljudska prava nije donio presudu), a koji godinama čekaju na naplatu svojih potraživanja po izvršnim rješenjima u skladu sa redoslijedom utvrđenim članom 167. Zakona o izvršnom postupku, s obzirom da bi se time **narušio uspostavljeni sistem redosljeda naplate** utvrđen u skladu sa Zakonom o izvršnom postupku, a prema Spisku povjerilaca koji se vode kod ASA Banke dd Sarajevo, te da li će Zeničko-dobojski kanton prioriternim izvršenjem navedenih presuda prekršiti odredbe Zakona o izvršnom postupku, te **povrijediti prava drugih tražioca izvršenja, koji se na Spisku povjerilaca Kantona koji se vodi kod ASA BANKE DD SARAJEVO (na osnovu vremena prijema rješenja o izvršenju) nalaze ispred apelanata i po nekoliko hiljada mjesta**, odnosno, imaju rješenja o izvršenju starija nekoliko godina od pojedinih apelanata!

U Odgovoru Ureda zastupnika Savjeta ministara BiH pred Evropskim sudom za ljudska prava, broj: 11-Ai-3/19-163/19 od 20.03.2019. godine, navedeno je da je članom II tačka 2. Ustava Bosne i Hercegovine propisano da se prava i slobode predviđene u Evropskoj konvenciji za zaštitu ljudskih prava i osnovnih sloboda i u njenim protokolima **direktno primjenjuju u Bosni i Hercegovini te da ovi akti imaju prioritet nad svim ostalim zakonima**.

Također, u navedenom aktu je navedeno, **da izvršenje presuda Suda predstavlja međunarodnu obavezu Bosne i Hercegovine, te da neizvršavanje presuda u roku**, dovodi ne samo do obaveze plaćanja kamata na dosuđena potraživanja (po stopi jednako najnižoj kreditnoj stopi Evropske centralne banke, uvećane za tri postotna boda), nego i **do narušavanja međunarodnog ugleda Bosne i Hercegovine, kao člana Savjeta Evrope, zbog neizvršavanja međunarodnih obaveza**.

Kantonarno pravobranilaštvo Zenica je u svome Mišljenju broj: M-17/19 od 09.04.2019. godine, također, između ostalog ukazalo da je u članu II tačka 2. Ustava BiH, poglavlje Ljudska prava i osnovne slobode, propisano da: „Prava i slobode predviđene u Evropskoj konvenciji za zaštitu ljudskih prava i osnovnih sloboda i u njenim protokolima se direktno primjenjuju u Bosni i Hercegovini. Ovi akti imaju prioritet nad svim ostalim zakonima“, čime je Ustav Bosne i Hercegovine proglasio Konvenciju za zaštitu ljudskih prava i osnovnih sloboda izravno primjenjivom u Bosni i Hercegovini i **dao joj prioritet nad svim ostalim zakonima**.“

Također, Kantonarno pravobranilaštvo Zenica je u svome Mišljenju navelo da „...proizilazi da **postupanje po presudama Evropskog suda za ljudska prava nije predmet regulisanja Zakona o izvršnom postupku Federacije BiH**“.

Nakon toga, Vlada Zeničko-dobojskog kantona je donijela Zaključak broj 02-06-4814/19 od 25.03.2019. godine, kojim se prihvata Informacija Ministarstva finansija Zeničko-dobojskog kantona, broj: 07-06-1326/19 od 05.03.2019. godine o dostavljenim presudama Evropskog suda za ljudska prava u predmetima *Šain Stjepan i 53 druga* protiv Bosne i Hercegovine, ap. br. 61620/15 i 53 i dr, *Elčić Maida i 5 drugih* protiv Bosne i Hercegovine, ap. br. 34524/15 i dr., *Dujak Vinko i 52 druga* protiv Bosne i Hercegovine, ap. br. 17303/15 i dr i *Hrnjić i 57 druga* protiv Bosne i Hercegovine, ap. br. 20954/13 i dr.

Dana 11.04.2019. godine Ministarstvo finansija Zeničko-dobojskog kantona je uputilo Zahtjev Kantonarnom pravobranilaštvu Zenica broj: 07-06-1326-3-2/19 od 11.04.2019. godine za provjeru formalno-pravne validnosti dokumentacije dostavljene od strane Advokatskog društva Adil Lozo i drugi d.o.o. Travnik, za izvršenje presuda Evropskog suda za ljudska prava u predmetu *Šain Stjepan i 53 druga* protiv Bosne i Hercegovine, ap. br. 61620/15 i 53 i dr i *Elčić Maida i 5 drugih* protiv Bosne i Hercegovine, ap. br. 34524/15 i dr.

Dana 15.04.2019. godine sa početkom u 08,00 sati, u prostorijama Ministarstva finansija Zeničko-dobojskog kantona održan je sastanak između:

Zastupnika aplikanata po presudama Evropskog suda za ljudska prava u predmetu Šain Stjepan i 53 druga protiv Bosne i Hercegovine, ap. br. 61620/15 i 53 i dr i Elčić Maida i 5 drugih protiv Bosne i Hercegovine, ap. br. 34524/15 i dr., Dujak Vinko i 52 druga protiv Bosne i Hercegovine, ap. br. 17303/15 i dr i Hrnjić i 57 druga protiv Bosne i Hercegovine, ap. br. 20954/13 i dr. i to: Muhidin Alić, Adil Lozo i Mustafa Alić, i

Predstavnika Vlade Zeničko-dobojskog kantona:

Josip Lovrić, Ministar Ministarstva finansija Zeničko-dobojskog kantona,

Nebojša Nikolić, Ministar Ministarstva za pravosuđe i upravu Zeničko-dobojskog kantona,

Zlata Marjanović, Kantonalni pravobranilac Zeničko-dobojskog kantona,

Adis Čehić, Sekretar Ministarstva finansija Zeničko-dobojskog kantona.

Tema sastanka je bila način izvršavanja gore navedenih presuda Evropskog suda za ljudska prava.

Nakon održane rasprave zaključeno je slijedeće:

- Da će u cilju izvršavanja navedenih presuda u cjelosti zastupnici aplikanata dopuniti svoj zahtjev za izvršavanje presuda na način da će u tabelarni prikaz potraživanja uvrstiti i potraživanja troškova izvršnog i parničnog postupaka i kamata,
- kako bi obaveze Zeničko-dobojskog kantona po rješenjima o izvršenju na Spisku ASA banke dd Sarajevo bile umanjene za isplaćeni iznos sredstava, zastupnici aplikanata će upoznati i uputiti svoje klijente da blagovremeno pismenim podneskom obavijeste sudove da su isplatom iznosa od strane Vlade Zeničko-dobojskog kantona po gore navedenim presudama u cijelosti izmireni sa svojim potraživanjima i da će o tome obavijestiti sudove da se povuku ili izmjene rješenje o izvršenju.

O navedenom je izrađen i od strane prisutnih potpisan Zapisnik sa sastanka o načinu izvršavanja presuda Evropskog suda za ljudska prava broj: 02-06-1326-4-1/19 od 15.04.2019. godine.

Dana 15.04.2019. godine, Skupština Regionalne advokatske komore Zenica je Vladi Zeničko-dobojskog kantona, u vezi isplata po presudama Evropskog suda za ljudska prava u Strazburu dostavila svoj Zaključak broj: 355/19 od 12.04.2019. godine.

U pomenutom Zaključku je između ostalog navedeno da „glavnicu, kamate, te troškove parničnog i izvršnog postupka treba isplatiti u skladu sa sudskim rješenjima o izvršenju koja su dostavljena banci na provođenje i to na račune punomoćnika tražitelja izvršenja označenih u rješenju o izvršenju **i u skladu sa redoslijedom potraživanja kod banke**, da će svaki drugi način isplate dovesti do kršenja člana 167. Zakona o izvršnom postupku FBiH, odnosno prava prioriteta naplate tražitelja izvršenja po osnovu već utvrđenog redoslijeda koji je nadležna banka sačinila u skladu sa članom 167. Zakona o izvršnom postupku, te **da drugačiji način isplate predstavlja krivično djelo „Neizvršenje sudske odluke“ iz čl. 351. KZ FBiH.**

Imajući u vidu sve gore navedeno, po pitanju izvršenja Presuda Evropskog suda za ljudska prava **u predmetu Šain i drugi protiv Bosne i Hercegovine, ap. br. 61620/15 i 53 druga i Elčić i drugi protiv Bosne i Hercegovine, ap. br. 34524/15 i 5 drugih**, Vlada Zeničko-dobojskog kantona je na svojoj 2. sjednici održanoj 16.04.2019. godine, donijela Odluku broj: 02-14-6458/19 od 16.04.2019. godine o načinu izvršenja Presuda Evropskog suda za ljudska prava u predmetu Šain i drugi protiv Bosne i Hercegovine, ap. br. 61620/15 i 53 druga i Elčić i drugi protiv Bosne i Hercegovine, ap. br. 34524/15 i 5 drugih.

Članom 2. navedene Odluke Vlade Kantona, naloženo je Ministarstvu finansija

Zeničko-dobojskog kantona, da u ime Zeničko-dobojskog kantona, sa ciljem izvršenja Presuda Evropskog suda za ljudska prava iz člana 1. ove odluke, u dijelu koji se tiče obaveza prema aplikantima po Presudama Evropskog suda za ljudska prava u predmetu Šain i drugi protiv Bosne i Hercegovine, ap. br. 61620/15 i 53 druga i Elčić i drugi protiv Bosne i Hercegovine, ap. br. 34524/15 i 5 drugih, **najkasnije do 17.04.2019. godine izvrši plaćanje na ime dosuđene nematerijalne štete po aplikantu i na ime troškova i izdataka po aplikaciji nastalih u postupku pred Evropskim sudom za ljudska prava**, plus svaki porez koji može biti zaračunat na dosuđenu nematerijalnu štetu.

S tim u vezi, dana 17.04.2019. godine, Ministarstvo finansija Zeničko-dobojskog kantona je na račune advokata – punomoćnika aplikanata (Advokatsko društvo Adil Lozo i drugi d.o.o. Travnik), izvršilo plaćanje finansijskih obaveza prema aplikantima u dijelu koji se tiče obaveza prema aplikantima na ime dosuđene nematerijalne štete po aplikantu i na ime troškova i izdataka po aplikaciji po navedenim Presudama Evropskog suda.

Također, po pitanju izvršenja Presude Evropskog suda za ljudska prava u predmetu **Dujak Vinko i 52 druga protiv Bosne i Hercegovine, ap. br. 17303/15 i dr i Hrnjić i 57 druga protiv Bosne i Hercegovine, ap. br. 20954/13 i dr.**, Vlada Zeničko-dobojskog kantona je na svojoj sjednici održanoj 07.05.2019. godine, donijela Odluku broj: 02-06-7733/19 od 07.05.2019. godine o načinu izvršenja Presuda Evropskog suda za ljudska prava u predmetu *Dujak Vinko i 52 druga protiv Bosne i Hercegovine, ap. br. 17303/15 i dr i Hrnjić i 57 druga protiv Bosne i Hercegovine, ap. br. 20954/13 i dr.*

Članom 2. navedene Odluke Vlade Kantona, naloženo je Ministarstvu finansija Zeničko-dobojskog kantona, da u ime Zeničko-dobojskog kantona, sa ciljem izvršenja Presuda Evropskog suda za ljudska prava iz člana 1. ove odluke, u dijelu koji se tiče obaveza prema aplikantima po Presudama Evropskog suda za ljudska prava ..., **najkasnije do 07.05.2019. godine izvrši plaćanje na ime dosuđene nematerijalne štete po aplikantu i na ime troškova i izdataka po aplikaciji nastalih u postupku pred Evropskim sudom za ljudska prava**, plus svaki porez koji može biti zaračunat na dosuđenu nematerijalnu štetu.

S tim u vezi, dana 07.05.2019. godine, u ostavljenom roku, Ministarstvo finansija Zeničko-dobojskog kantona je na račune advokata – punomoćnika aplikanata (Advokatsko društvo Adil Lozo i drugi d.o.o. Travnik, Advokatsko društvo Petrušić&Co Zenica i Advokat Edin Hrnjić Žepče), **izvršilo plaćanje finansijskih obaveza prema aplikantima** u dijelu koji se tiče obaveza prema aplikantima na ime dosuđene nematerijalne štete po aplikantu i na ime troškova i izdataka po aplikaciji po navedenim Presudama Evropskog suda za ljudska prava.

O izvršenom plaćanju, Ministarstvo finansija je svojim aktima broj: 07-06-1326-4-1/19 od 17.04.2019. godine i broj: 07-06-1326-5-1/19 od 07.05.2019. godine obavijestilo Ured zastupnika Savjeta ministara BiH pred Evropskim sudom za ljudska prava.

III RANIJE REALIZOVANA PRESUDA SUDA ZA LJUDSKA PRAVA U PREDMETU *KUNIĆ I DRUGI PROTIV BOSNE I HERCEGOVINE*.

Podsjećamo, Zeničko-dobojskom kantonu je početkom 2018. godine bio dostavljen akt Ureda zastupnika/agenta Savjeta ministara BiH pred Evropskim sudom za ljudska prava, broj: 11-Ai-3/18-115/18 od 16.02.2018. godine, a po pitanju izvršenja Presude Evropskog suda za ljudska prava u predmetu *Kunić i drugi protiv Bosne i Hercegovine, ap. br. 68955/12 i 15 ostalih*.

Na osnovu Presude Evropskog suda za ljudska prava u predmetu *Kunić i drugi protiv Bosne i Hercegovine, ap. br. 68955/12 i 15 ostalih*, za Zeničko-dobojski kanton je nastala obaveza da obezbijedi potpuno izvršenje domaćih sudskih presuda donesenih u korist

aplikanata, koje su bile predmet postupka pred Evropskim sudom, u roku od tri mjeseca od dana kada presuda postane konačna, te da u istom roku isplati 1.000 eura po aplikantu, kao i svaki porez koji može biti zaračunat, na ime nematerijalne štete i 500 eura g. Kuniću, kao i svaki porez koji mu može biti zaračunat, na ime troškova i izdataka, pretvorene u domaću valutu po kursu na dan izmirenja.

Ministarstvo finansija se svojim aktima, broj: 07-14-17006-1-2/17 od 26.02.2018. godine i broj: 07-14-17006-2/17 od 08.03.2018. godine, obratilo Ministarstvu za ljudska prava i izbjeglice, Ured zastupnika/agenta Savjeta ministara BiH pred Evropskim sudom za ljudska prava Sarajevo i Kantonalnom pravobranilaštvu Zenica, za mišljenje o načinu postupanja po Presudi Evropskog suda za ljudska prava u predmetu *Kunić i drugi protiv Bosne i Hercegovine*, ap. br. 68955/12 i 15 ostalih.

Naime, postupak izvršenja izvršnih sudskih presuda, propisan je odredbama Zakona o izvršnom postupku ("Službene novine F BiH", broj: 32/03, 52/03, 33/06, 39/06-isp., 39/09, 74/11-ous., 35/12 i 46/16), a članom 167. navedenog Zakona je utvrđen redosljed naplate izvršnih odluka, na način da banka vrši naplatu redom, prema vremenu dostave rješenja o izvršenju na osnovu svoje posebne evidencije redosljeda rješenja o izvršenju po danu i vremenu dostave rješenja.

Spisak tražilaca izvršenja koji imaju izvršne naslove na teret Zeničko-dobojskog kantona kao izvršenika se vodi kod ASA BANKE DD SARAJEVO (na osnovu vremena prijema rješenja o izvršenju).

Imajući u vidu navedeno, od pomenutih organa je traženo mišljenje o tome da li plaćanje obaveza aplikantima u skladu sa navedenom Presudom Evropskog suda za ljudska prava u predmetu *Kunić i drugi protiv Bosne i Hercegovine*, ap. br. 68955/12 i 15 ostalih, ima prioritet u odnosu na sve ostale povjerioce Kantona (za koje Evropski sud za ljudska prava nije donio presudu), a koji godinama čekaju na naplatu svojih potraživanja po izvršnim rješenjima u skladu redosljedom utvrđenim članom 167. Zakona o izvršnom postupku ("Službene novine F BiH", broj: 32/03, 52/03, 33/06, 39/06-isp., 39/09, 74/11-ous., 35/12 i 46/16), zatim, da li je Zeničko-dobojski kanton obavezan na prioritetnu realizaciju navedene Presude Evropskog suda za ljudska prava, u odnosu na ostale izvršne presude sudova u BiH i mimo Spiska povjerilaca koji se vode kod ASA Banke dd Sarajevo, odnosno da li navedena Presuda Evropskog suda za ljudska prava ima primat u primjeni iznad domaćeg zakonodavstva, u konkretnom slučaju primat nad primjenom Zakona o izvršnom postupku, te da li će Zeničko-dobojski kanton prioritetnim izvršenjem navedene Presude prekršiti odredbe Zakona o izvršnom postupku, te povrijediti prava drugih tražioca izvršenja, koji se na Spisku povjerilaca Kantona koji se vodi kod ASA BANKE DD SARAJEVO (na osnovu vremena prijema rješenja o izvršenju) nalaze ispred apelanata.

U Odgovoru Zamjenika zastupnika Savjeta ministara BiH pred Evropskim sudom za ljudska prava, broj: 11-Ai-3/18-199/18 od 19.03.2018. godine, navedeno je da je članom II tačka 2. Ustava Bosne i Hercegovine propisano da se prava i slobode predviđene u Evropskoj konvenciji za zaštitu ljudskih prava i osnovnih sloboda i u njenim protokolima **direktno primjenjuju u Bosni i Hercegovini te da ovi akti imaju prioritet nad svim ostalim zakonima.**

Također, u navedenom aktu je navedeno, **da je u konkretnom slučaju Vlada Zeničko-dobojskog kantona, kao nivo vlasti odgovorna za povrede prava aplikanata** utvrđenih presudom Suda u slučaju *Kunić i drugi protiv Bosne i Hercegovine*, ap. br. 68955/12 i 15 ostalih, i dužna izvršiti ovu presudu u roku koji je postavio Sud.

Isto tako, naglašeno je da ovaj rok ističe 14.05.2018. godine, a da je **neizvršenje odluke Evropskog suda za ljudska prava krivično djelo** propisano članom 239. Krivičnog zakona BiH („Službeni glasnik BiH“ br. 3/03, 32/03, 37/03, 54/04, 61/04, 30/05, 53/06, 55/06, 32/07, 8/10, 47/14, 22/15 i 10/15).

Kantonalno pravobranilaštvo Zenica je u svome Mišljenju broj: R-202/17 od 21.03.2018. godine, također ukazalo da je u članu II tačka 2. Ustava BiH, poglavlje Ljudska

prava i osnovne slobode, propisano: „Prava i slobode predviđene u Evropskoj konvenciji za zaštitu ljudskih prava i osnovnih sloboda i u njenim protokolima se direktno primjenjuju u Bosni i Hercegovini. **Ovi akti imaju prioritet nad svim ostalim zakonima**“, čime je Ustav Bosne i Hercegovine proglasio Konvenciju za zaštitu ljudskih prava i osnovnih sloboda izravno primjenjivom u Bosni i Hercegovini i dao joj prioritet nad svim ostalim zakonima.“

Također, Kantonalno pravobranilaštvo Zenica je u svome Mišljenju navelo: „proizilazi da **postupanje po presudama Evropskog suda za ljudska prava nije predmet regulisanja Zakona o izvršnom postupku Federacije BiH**“.

Imajući u vidu gore navedena mišljenja, Vlada Zeničko-dobojskog kantona je na svojoj 141. sjednici održanoj 18.04.2018. godine, donijela Odluku o izvršenju Presude Evropskog suda za ljudska prava u predmetu *Kunić i drugi protiv Bosne i Hercegovine*, ap. br. 68955/12 i 15 ostalih („Službene novine Zeničko-dobojskog kantona“, broj: 6/18).

Članom 2. navedene Odluke, naloženo je Ministarstvu finansija Zeničko-dobojskog kantona, da zbog povrede prava aplikantima, a sa ciljem provedbe individualnih mjera, hitno izvrši plaćanje obaveza prema aplikantima po Presudi Evropskog suda za ljudska prava u predmetu *Kunić i drugi protiv Bosne i Hercegovine*, ap. br. 68955/12 i 15 ostalih, a najkasnije do 14.05.2018. godine.

S tim u vezi, dana 27.04.2018. godine, Ministarstvo finansija Zeničko-dobojskog kantona je na račune advokata – punomoćnika, izvršilo plaćanju svih finansijskih obaveza prema aplikantima s ciljem provedbe individualnih mjera po Presudi Evropskog suda za ljudska prava u predmetu *Kunić i drugi protiv Bosne i Hercegovine*, ap. br. 68955/12 i 15 ostalih i o istom obavjestilo Ured zastupnika/agenta Savjeta ministara BiH pred Evropskim sudom za ljudska prava, dana 27.04.2018. godine.

IV IZRADA AKCIONOG PLANA AKTIVNOSTI POTREBNIH RADI IZVRŠENJA GENERALNIH MJERA ZA IZVRŠENJE IZVRŠNIH SUDSKIH PRESUDA

U cilju da povjerioci koji posjeduju izvršne sudske odluke na teret budžetskih sredstava Zeničko-dobojskog kantona naplate svoja potraživanja u razumnom roku, Evropski sud je u predmetnoj presudi u *predmetu Kunić i drugi protiv Bosne i Hercegovine*, utvrdio „da je tužena strana pored obaveze da izvrši mjere naložene predmetnom presudom u odnosu na aplikante u predmetnom slučaju **dužna**, pod nadzorom Komiteta ministara Savjeta Evrope, **takve mjere preduzeti i u odnosu na ostale osobe koje su istom položaju kao i aplikanti** i to na način kako je to naložio Ustavni sud BiH u svojoj odluci od 12. oktobra 2011. godine“.

Dakle, navedenom presudom je utvrđena obaveza Vladi Zeničko-dobojskog kantona da najkasnije do 14.08.2018. godine, Komitetu ministara Savjeta Evrope podnese **Akcioni plan** o njenom izvršenju, u kome se moraju navesti ne samo provedbene individualne mjere, već i aktivnosti/mjere i rokovi za **preduzimanje generalnih mjera** naloženih istom, i vremenski okvir za njihovu realizaciju.

Vlada Zeničko-dobojskog kantona je svojim Zaključkom broj: 02-14-1272/18 od 13.08.2018. godine, **donijela Akcioni plan** aktivnosti potrebnih za izvršenje generalnih mjera naloženih Presudom Evropskog suda za ljudska prava u *predmetu Kunić i drugi protiv Bosne i Hercegovine*, ap. br. 68955/12 i 15 ostalih i vremenski okvir za njihovu realizaciju, broj: 02-14-12725/18 od 13.08.2018. godine.

Nakon toga, Vlada Zeničko-dobojskog kantona je svojim Zaključkom broj: 02-06-15930/18 od 19.10.2018. godine donijela i **Dopune Akcionog plana aktivnosti** potrebnih za izvršenje generalnih mjera naloženih Presudom Evropskog suda za ljudska prava u predmetu *Kunić i drugi protiv Bosne i Hercegovine*.

Kroz Dopune Akcionog plana aktivnosti, Vlada Zeničko-dobojskog kantona je se

odlučila za vremenski okvir za izvršenje generalnih mjera iz Presude, koji bi iznosio 69 godina, na način da se za isplatu sudskih presuda planira 0,6% Budžeta ZDK-a godišnje, putem ASA BANKE dd Sarajevo, redom, prema vremenu dostave rješenja o izvršenju u Banku.

U međuvremenu, Vlada Zeničko-dobojskog kantona je donijela i Akcioni plan aktivnosti potrebnih za izvršenje generalnih mjera naloženih Presudom Evropskog suda za ljudska prava u *predmetu Kunić i drugi protiv Bosne i Hercegovine, ap. br. 68955/12 i 15 ostalih* i vremenski okvir za njihovu realizaciju, broj 02-06-16237/19 od 31.10.2019. godine, sa vremenskim okvirom na period od 22 godine.

Ministarstvo finansija je dana 05.11.2019. godine uz svoj akt broj 07-06-1326-5-3-1/19 od 05.11.2019. godine, navedeni Akcioni plan dostavilo Ustavnom sudu BiH.

V PRESUDA USTAVNOG SUDA BIH

U međuvremenu, donesena je i **Presuda Ustavnog suda BiH, u predmetu broj: AP-1636/18 od 27.02.2019. godine**, po apelacijama velikog broja tražilaca izvršenja zbog neprovođenja rješenja o izvršenju protiv Zeničko-dobojskog kantona kao izvršenika.

Dispozitivom navedene Presude Ustavnog suda BiH: „utvrđuje se povreda prava na pravično suđenje iz člana II/3.e) Ustava Bosne i Hercegovine i člana 6. stav 1. Europske konvencije za zaštitu ljudskih prava i osnovnih sloboda, kao i prava na imovinu iz člana II/3.k) Ustava Bosne i Hercegovine i člana 1. Protokola broj 1 uz Europsku konvenciju za zaštitu ljudskih prava i osnovnih sloboda zbog neprovođenja Rješenja.

Ova odluka dostavlja se **Vladi Zeničko-dobojskog kantona** kako bi izvršila svoje ustavne obaveze i osigurala poštovanje ljudskih prava tako što će u skladu s ranijim nalogima preduzeti adekvatne mjere s ciljem da apelanti/povjerioci koji posjeduju izvršne sudske odluke na teret budžetskih sredstava Zeničko-dobojskog kantona naplate svoja potraživanja **u razumnom roku**.

Na osnovu člana 72. stav (5) Pravila Ustavnog suda Bosne i Hercegovine, nalaže se **Vladi Zeničko-dobojskog kantona** da, **u roku od tri mjeseca** od dana dostavljanja ove odluke, obavijesti Ustavni sud Bosne i Hercegovine o preduzetim mjerama s ciljem izvršenja ove odluke.“

U Obrazloženju navedene Presude Ustavnog suda BiH, u dijelu VIII. Zaključak, tačke 249. – 252., navedeno je slijedeće:

249. „Ustavni sud zaključuje da je **apelantima povrijeđeno pravo** na pravično suđenje iz člana II/3.e) Ustava Bosne i Hercegovine i člana 6. stav 1. Europske konvencije, te pravo na imovinu iz člana II/3.k) Ustava Bosne i Hercegovine i člana 1. Protokola broj 1 uz Europsku konvenciju.

250. Ustavni sud zaključuje da su i u konkretnim slučajevima nepreduzimanjem neophodnih mjera tokom dužeg vremenskog perioda u cilju izvršenja pravosnažnih presuda, nadležne vlasti lišile ustavno pravo na pravično suđenje svakog korisnog efekta i onemogućile apelante da dobiju novac na koji imaju pravo prema pravosnažnim sudskim presudama. Spomenuto nepreduzimanje mjera je dovelo i do neproporcionalnog uplitanja u njihovo mirno uživanje ustavnog prava na imovinu.

251. Ustavni sud naglašava da nije cilj ove odluke da se apelanti dovode u privilegovan položaj u odnosu na ostale imaoce pravosnažnih sudskih odluka na teret budžeta, koji se nalaze u istoj pravnoj situaciji, a nisu se obraćali Ustavnom sudu, jer bi to bilo suprotno cilju zaštite ljudskih prava provođenjem generalne politike preventivnih mjera i uspostave generalnih mehanizama, kojim se otklanja utvrđeno kršenje ljudskih prava i osnovnih sloboda, te bi vodilo dodatnom kršenju ljudskih prava remećenjem plana i sistema realizacije utvrđenih potraživanja u skladu s planom.

252. Ustavni sud zaključuje da je neophodno da nadležne vlasti Zeničko-dobojskog Kantona u cjelosti preuzmu svoju ulogu i **uspostave adekvatan mehanizam koji omogućava svim imiocima sudskih odluka na teret budžeta Zeničko-dobojskog Kantona naplatu dosuđenih potraživanja** jer bi bilo nesvršishodno da Ustavni sud nastavi odlučivati u novim pojedinim predmetima ove vrste i da nastavi nalogati nadležnim organima Zeničko-dobojskog Kantona žurno postupanje u tim predmetima jer bi to stvaralo njihovu obavezu da postupaju mimo planova rješavanja predmeta, generisalo nove postupke pred Ustavnim sudom, te općenito ne bi vodilo ka efektivnoj zaštiti ljudskih prava, odnosno otklanjanju posljedica njihovog kršenja.“

Vlada Zeničko-dobojskog kantona je dana 10.04.2019. godine donijela Zaključak broj: 02-06-6231/19 od 10.04.2019. godine o prihvatanju Informacije Ministarstva finansija Zeničko-dobojskog kantona, broj: 07-06-1326-2/19 od 03.04.2019. godine o Presudi Ustavnog suda BiH donesenoj u predmetu broj: AP-1636/18 od 27.02.2019. godine i o dosad dostavljenim presudama Evropskog suda za ljudska prava kojima su utvrđene povrede prava aplikanata iz člana 6. stav 1. Evropske konvencije za zaštitu ljudskih prava i osnovnih sloboda i člana 1 Protokola uz Konvenciju iz razloga neizvršavanja izvršnih presuda domaćih sudova donesenih u korist aplikanata, a na teret Budžeta Zeničko-dobojskog kantona.

Navedeni Zaključak i Informacija su uz akt Ministarstva finansija broj: 07-06-6231/19 od 16.04.2019. godine dostavljeni Uredu zastupnika Savjeta ministara BiH pred Evropskim sudom za ljudska prava.

VI ZAKLJUČCI REGIONALNE ADVOKATSKE KOMORE ZENICA

Skupština Regionalne advokatske komore Zenica je Vladi Zeničko-dobojskog kantona, u vezi isplata po presudama Evropskog suda za ljudska prava u Strazburu dostavila svoj Zaključak broj: 355/19 od 12.04.2019. godine.

U pomenutom Zaključku je između ostalog navedeno da „glavnicu, kamate, te troškove parničnog i izvršnog postupka treba isplatiti u skladu sa sudskim rješenjima o izvršenju koja su dostavljena banci na provođenje i to na račune punomoćnika tražitelja izvršenja označenih u rješenju o izvršenju **i u skladu sa redosljedom potraživanja kod banke**, da će svaki drugi način isplate dovesti do kršenja člana 167. Zakona o izvršnom postupku FBiH, odnosno prava prioriteta naplate tražitelja izvršenja po osnovu već utvrđenog redosljeda koji je nadležna banka sačinila u skladu sa članom 167. Zakona o izvršnom postupku, te **da drugačiji način isplate predstavlja krivično djelo „Neizvršenje sudske**

odluke“ iz čl. 351. KZ FBiH.

Zeničko-dobojskom kantonu je dostavljen i Zaključak broj: 517/19 od 13.06.2019. godine Upravnog odbora Regionalne advokatske komore Zenica, u kojem je između ostalog navedeno:

„U cjelosti ostajemo kod Zaključka sa Skupštine RAK br. 355/19 od 12.04.2019. godine“.

Također, dostavljena je i Obavijest broj: 532/19 od 20.06.2019. godine Regionalne advokatske komore Zenica, u kojoj je navedeno da je (član Advokatskog društva Adil Lozo i drugi d.o.o. Travnik), Alić Muhidin brisan iz imenika advokata Regionalne advokatske komore Zenica, a samim tim i iz Imenika Advokatske komore Federacije BiH sa danom 12.03.2019. godine.

Imajući u vidu stav Skupštine Regionalne advokatske komore Zenica, aplikanti su sve nejasnoće u pogledu ove problematike prije svega trebali pokušati prethodno riješiti sa svojim advokatima - punomoćnicima.

VII POTENCIJALNI RIZICI U SLUČAJU (NE)IZVRŠENJA PRESUDA EVROPSKOG SUDA ZA LJUDSKA PRAVA

Ukoliko se (ne)izvrše presude Evropskog suda za ljudska prava ili se ne obustavi donošenja novih odluka od strane Evropskog suda za ljudska prava, postoji slijedeći rizici:

- u aktu Zamjenika zastupnika Savjeta ministara BiH pred Evropskim sudom za ljudska prava, broj: 11-Ai-3/18-199/18 od 19.03.2018. godine, navedeno je da je neizvršenje odluke Evropskog suda za ljudska prava, u zadatom roku, krivično djelo,
- u slučaju kašnjenja sa isplatom po donesenim presudama za Vladu Zeničko-dobojskog kantona nastaje obaveza da na dosuđene iznose plati i običnu kamatu po stopi jednakoј najnižoj kreditnoj stopi Evropske centralne banke u periodu neplaćanja, uvećanu za tri postotna boda,
- u slučaju izvršenja odluka Evropskog suda za ljudska prava, po donesenim apelacijama, prema tražiocima izvršenja se na teret budžeta Kantona stvaraju i dodatne finansijske obaveze po osnovu nematerijalne štete (1.000 eura po aplikantu), te dodatni izdaci na ime troškova i izdataka, plus svaki porez koji može biti zaračunat na navedene iznose.
- u slučaju donošenja većeg broja odluka od strane Evropskog suda za ljudska prava i njihovog prioritetnog izvršavanja, a za čiju realizaciju je neophodno **obezbijediti milionske iznose sredstava**, značajno bi se ugrozio Budžet Kantona, a donošenje i izvršavanje navedenih odluka Suda u Strazburu sigurno **bi dalo podstrek i svim ostalim tražiocima izvršenja** da podnose apelacije Evropskom sudu za ljudska prava, sa nesagledivim posljedicama po Budžet Kantona,
- eventualno prioritetno izmirenje svih nagomilanih obaveza po osnovu izvršnih sudskih odluka, **dovelo bi u pitanje redovno izmirivanje ostalih ustavnih i zakonskih obaveza i nadležnosti Kantona**, pa i moguće do bankrota Kantona, a Zeničko-dobojski kanton prilikom planiranja sredstava za ovu namjenu mora voditi računa i o realnom stanju priliva javnih prihoda u Budžet Kantona i o svojim drugim ustavnim i zakonskim obavezama,
- plaćanjem obaveza aplikantima u skladu sa presudama Evropskog suda za ljudska prava, prioritetno, u odnosu na sve ostale povjerioce Kantona (za koje Evropski sud za ljudska prava još nije donio presudu), a koji godinama čekaju na naplatu svojih potraživanja po izvršnim rješenjima, **narušava se uspostavljeni sistem redosljeda naplate** utvrđen članom 167. Zakona o izvršnom postupku, a prema Spisku povjerilaca koji se vode kod ASA Banke dd Sarajevo. Iz navedenog razloga imamo sve veći broj tražilaca izvršenja koji se žale da su realizacijom presude Evropskog suda za ljudska prava, prekršene odredbe Zakona o izvršnom

postupku, te povrijeđena njihova prava, jer se na Spisku povjerilaca Kantona (na osnovu vremena prijema rješenja o izvršenju) nalaze ispred apelanata i po nekoliko hiljada mjesta, odnosno, imaju rješenja o izvršenju starija nakoliko godina od pojedinih apelanata. Pojedini tražioci izvršenja čak prijete krivičnim prijavama, iz razloga što smatraju da su povrijeđena njihova prava, jer su prije njih isplaćuju apelanti koji su se na Spisku povjerilaca Kantona nalaze iza njih,

- nakon plaćanja obaveza prema apellantima po presudama Evropskog suda za ljudska prava, obaveza Zeničko-dobojskog kantona kao izvršenika i dalje vodi kod ASA banke dd Sarajevo prema apellantima – tražiocima izvršenja, jer se na pojedinom rješenju o izvršenju obično nalazi više tražilaca izvršenja od kojih većina nije uputila apelacije, tako da se cjelokupno rješenje o izvršenju nakon isplate samo jednom tražiocu izvršenja sa rješenja ne može povući sa Banke. Kako se ne bi desila situacija da se dva puta plaća ista obaveza prema pojedinim tražiocima izvršenja, potrebno je prije eventualne isplate sporazumom obavezati aplikante ili advokate-punomoćnike apelanata da putem domaćih sudova, Kantonalnog pravobranilaštva i ASA banke dd Sarajevo, izvrše izmjene rješenja o izvršenju, da bi se obaveza u rješenjima o izvršenju umanjila za isplaćeni iznos.

VIII DALJE AKTIVNOSTI NA REALIZACIJI DOSTAVLJENIH ODLUKA SUDA U STRAZBURU

Dana 10.06.2019. godine Ministarstvo finansija Zeničko-dobojskog kantona je zaprimilo akt Advokatskog društva Adil Lozo i drugi broj: 551-1/19 od 06.06.2019. godine – Obavijest o neprovođenju Presuda Evropskog suda za ljudska prava u predmetu *Šain Stjepan i 53 druga* protiv Bosne i Hercegovine, ap. br. 61620/15 i 53 i dr i *Elčić Maida i 5 drugih* protiv Bosne i Hercegovine, ap. br. 34524/15 i dr., te uz akt Ureda zastupnika/agenta Savjeta ministara, broj: 11-Ai-3/19-67/19 od 13.02.2019. godine, dostavljene na izvršenja i presude Evropskog suda za ljudska prava u predmetu *Dujak Vinko i 52 druga* protiv Bosne i Hercegovine, ap. br. 17303/15 i dr i *Hrnjić i 57 druga* protiv Bosne i Hercegovine, ap. br. 20954/13 i dr.

Dana 01.07.2019. godine Ministarstvo finansija Zeničko-dobojskog kantona je zaprimilo akt Advokatskog društva Adil Lozo i drugi broj: s 551/19 od 25.06.2019. godine uz koji je dostavljen Odgovor Vijeća Evrope u kojem se navodi da je Evropski sud za ljudska prava u operativnom dijelu presude naveo da Bosna i Hercegovina treba, na primjeren način i u roku od tri mjeseca omogućiti izvršenje domaćih odluka na čekanju koje su navedene u tabeli. Prema stavu člana 46. Konvencije, konačna presuda je obavezujuća za odgovornu državu.

Nakon toga, Ministarstvo finansija Zeničko-dobojskog kantona je zaprimilo i akt Advokatskog društva Adil Lozo i drugi broj: s551/19 od 17.07.2019. godine – Dopuna Obavijesti broj: s551/19 pd 25.06.2019. godine uz koji je dostavljen akt Ureda zastupnika Savjeta ministara BiH pred Evropskim sudom za ljudska prava, broj: 11-Ai-6/19-343/19 od 01.07.2019. godine, a u kojem se između ostalog navodi:

„...prestavnici Odjela za izvršenje su pozvali premijere kantona da ulože maksimalne napore na utvrđivanju generalnih mjera isplata u cilju sistemskog rješenja problema kako se ne bi donosile nove presude Evropskog suda. Vlasti nadležnih kantona su prihvatile tunmačenje u onom dijelu da izvršenje generalnih mjera zahtjeva izradu akcionih planova za otplatu potraživanja. Međutim, kantoni moraju biti svjesni da implementacija generalnih mjera nikako ne zadire u pravosnažno presuđeno pravo aplikanata koji su već ishodovali presudu Evropskog suda da im se odmah isplate potraživanja na način i u iznosu kako su im dosudili domaći sudovi. Ovo što je presuđeno odlukom Evropskog suda za ljudska prava ne može biti predmet pregovora.“

Ministarstvo finansija se svojim aktima, broj: 07-06-1326-3-2/19 od 05.09.2019. godine i Urgencijama broj: 07-06-1326-3-2/19 od 23.09.2019. godine i broj: 07-06-1326-3-3/19 od 10.10.2019. godine, još jednom obratilo Ministarstvu za ljudska prava i izbjeglice, Uredu zastupnika/agenta Savjeta ministara BiH pred Evropskim sudom za ljudska prava Sarajevo i Kantonalnom pravobranilaštvu za mišljenje o načinu postupanja po navedenim Presudama Evropskog suda za ljudska prava.

U navedenim aktima je traženo **mišljenje** o tome:

- **da li plaćanje obaveza aplikantima u skladu sa navedenim presudama** Evropskog suda za ljudska prava, u dijelu koji se odnosi na **glavnicu**, kamate, te troškove parničnog i izvršnog postupka, **ima prioritet u odnosu na sve ostale povjerioce Kantona** (za koje Evropski sud za ljudska prava nije donio presude), a koji godinama čekaju na naplatu svojih potraživanja po izvršnim rješenjima, u skladu sa redoslijedom utvrđenim članom 167. Zakona o izvršnom postupku, s obzirom da se takvom isplatom na neki način narušava uspostavljeni sistem redosljeda naplate utvrđen u skladu sa Zakonom o izvršnom postupku, a prema Spisku povjerilaca koji se vode kod ASA Banke dd Sarajevo, te da li će Zeničko-dobojski kanton prioriternim izvršenjem navedenih presuda prekršiti odredbe Zakona o izvršnom postupku, te **povrijediti prava drugih tražioca izvršenja, koji se na Spisku povjerilaca Kantona koji se vodi kod ASA BANKE DD SARAJEVO (na osnovu vremena prijema rješenja o izvršenju) nalaze ispred apelanata i po nekoliko hiljada mjesta**, odnosno, posjeduju rješenja o izvršenju starija nekoliko godina od pojedinih apelanata?

- ukoliko isplata navedenih presuda ima prioritet, a s obzirom da imamo različita timačenja od strane advokata, molimo Vas za jasan stav o tome **kome je Vlada Zeničko-dobojskog kantona, putem Ministarstva finansija obavezna isplatiti sredstva** po osnovu glavnice, troškova parničnog i izvršnog postupka i kamata, po navedenim presudama: da li na račune advokata – punomoćnika aplikanata koji su postupak vodili pred Sudom u Strazburu (Advokatsko društvo Adil Lozo i drugi d.o.o. Travnik, Advokatska kancelarija Hrnjić Edin iz Žepča i Advokatsko društvo Petrušić&co doo Zenica), ili na račune drugih advokata, koji su kao punomoćnici te iste stranke (aplikante) kao tužioce/tražioce izvršenja zastupali pred domaćim sudovima i koji su kao punomoćnici tražilaca izvršenja označeni u rješenjima o izvršenju prvostepenih domaćih sudova u BiH, te ko je nadležan da da instrukciju Ministarstvu finansija o načinu uplate navedenih sredstava po navedenim presudama?

- da li eventualna prioriterna isplate glavnice, kamata, te troškove parničnog i izvršnog postupka **po navedenim presudama (mimo već utvrđenog redosljeda koji je nadležna banka sačinila u skladu sa članom 167. Zakona o izvršnom postupku)**, na račune advokata – punomoćnika aplikanata koji su postupak vodili pred Sudom u Strazburu, **predstavlja krivično djelo „Neizvršenje sudske odluke“ iz čl. 351. KZ FBiH**, a kako je to navedeno u Zaključku broj: 517/19 od 13.06.2019. godine Upravnog odbora Regionalne advokatska komora Zenica?

U Odgovoru Ureda zastupnika Savjeta ministara BiH pred Evropskim sudom za ljudska prava, broj: 11-Ai-2/19-542/19 od 26.09.2019. godine, između ostalog navedeno je da je „Presudama Suda u navedenim predmetima ... utvrđeno da tužena Bosna i Hercegovina, mora u roku od tri mjeseca osigurati odgovarajućim sredstvima izvršenje neizvršenih domaćih odluka navedenih u tabeli koja se nalazi u dodatku svake od presude u navedenim presudama...

članom II tačka 2. Ustava Bosne i Hercegovine propisano da se prava i slobode predviđene u Evropskoj konvenciji za zaštitu ljudskih prava i osnovnih sloboda i u njenim protokolima **direktno primjenjuju u Bosni i Hercegovini te da ovi akti imaju prioritet nad svim ostalim zakonima**.

Bosna i Hercegovina je, kao članica Savjeta Evrope i Konvencije, na osnovu člana 46. Konvencije obavezna da se podvrgne konačnoj presudi Suda u svakom predmetu u kome je stranka....u konkretnom slučaju Vlada Zeničko-dobojskog kantona, kao nivo vlasti odgovoran za povrede prava aplikanata utvrđenih navedenim presudama Suda dužna izvršiti ove presude

u korist aplikanata u roku koji je odredio Sud.“

Po Zahtjevima Ministarstva finansija za dostavu mišljenja broj: 07-06-1326-3-2/19 od 05.09.2019. godine i Urgencijama broj: 07-06-1326-3-2/19 od 23.09.2019. godine i broj: 07-06-1326-3-3/19 od 10.10.2019. godine, po gore navedenim pitanjima, Kantonalno pravobranilaštvo Zenica nije dostavilo svoje mišljenje.

Dana 07.10.2019. godine Grupa aplikanata je dostavila Informaciju Premijeru Vlade Zeničko-dobojskog kantona i ministru Ministarstva finansija u kojoj između ostalog navode da ukoliko ne bude donesena odluka o isplati troškova do 21.10.2019. godine i počela isplata novčanih sredstava po Presudama Evropskog suda, najavljuju mirno okupljanje svih aplikanata pred zgradom Vlade Zeničko-dobojskog kantona, te da će o istom obavijestiti televizijske kuće i ostale medije.

Dana 07.10.2019. godine Ministarstvu finansija je dostavljen akt Premijera broj: 02-14-14962/19 od 07.10.2019. godine, u kojem je između ostalog po pitanju izvršenja navedenih presuda Evropskog suda za ljudska prava, navedeno da je „neophodno izvršiti analizu zakonskih akata koji tretiraju ovu oblast i provjeriti ispravnost ranije donesene Odluke“, te „u slučaju da je načinjena pogreška u prethodno usvojenoj Odluci, neophodno je da postupite sukladno Zakonu i zakonskim aktima, te adekvatnu odluku dostavite Vladi na usvajanje“.

Dana 10.10.2019. godine Ministarstvo finansija Zeničko-dobojskog kantona je Uredu zastupnika/agenta Savjeta ministara BiH pred Evropskim sudom za ljudska prava Sarajevo, REGIONALNOJ ADVOKATSKOJ KOMORI ZENICA i Advokatskom društvu Adil Lozo i drugi d.o.o. Travnik, uputilo Poziv na radni sastanak u vezi izvršenja presuda Evropskog suda za ljudska prava u Strazburu.

Sastanak je održan dana 25.10.2019. godine sa početkom u 11 sati, a istom su prisustvovali pored predstavnika pozvanih organa (Vanja Bjelica, Nina Dragoljević i Adil Lozo), Kantonalna pravobraniteljica Zlata Marjanović, advokat Edin Hrnjić i advokat Fuad Prnavorac.

Na sastanku je između ostalog raspravljano imaju li presude Evropskog suda prioritet u isplati u odnosu na redosljed isplata sudskih presuda utvrđen Zakonom o izvršnom postupku i ukoliko imaju prioritet na čije račun je potrebno izvršiti isplatu sredstava po presudama.

Također je razmatran problem da se i nakon plaćanja obaveza prema apelantima po presudama Evropskog suda za ljudska prava, obaveza Zeničko-dobojskog kantona kao izvršenika i dalje vodi kod ASA banke dd Sarajevo prema apelantima – tražiocima izvršenja, jer se na pojedinom rješenju o izvršenju obično nalazi više tražilaca izvršenja od kojih većina nije uputila apelacije, tako da se cjelokupno rješenje o izvršenju nakon isplate samo jednom tražiocu izvršenja sa rješenja ne može povući sa Banke.

Kako se ne bi desila situacija da se dva puta plaća ista obaveza prema pojedinim tražiocima izvršenja, potrebno je nakon eventualne isplate od strane advokata-punomoćnika apelanata putem domaćih sudova i Kantonalnog pravobranilaštva, izvršiti izmjene rješenja o izvršenju, da bi se obaveza Kantona u rješenjima o izvršenju umanjila za isplaćeni iznos.

Stav Vanje Bjelica – Prutina, v.d. Agenta Uredu zastupnika/agenta Savjeta ministara BiH pred Evropskim sudom za ljudska prava Sarajevo je bio da presude Evropskog suda za ljudska prava imaju prioritet u isplati u odnosu na redosljed isplata sudskih presuda utvrđen Zakonom o izvršnom postupku i da se isplata sredstava po presudama za koje su donesene odluke Evropskog suda za ljudska prava može izvršiti na račune aplikanata.

Adil Lozo iz Advokatskog društva Adil Lozo i drugi d.o.o. Travnik je također iznio stav da su saglasni da se isplata sredstava po predmetnim presudama može izvršiti na račune

aplikanata.

Nina Dragoljević, predsjednica Upravnog odbora Regionalne advokatske komore Zenica je iznijela stav da Regionalna advokatska komora Zenica u vezi isplata po presudama Evropskog suda za ljudska prava u Strazburu ostaje kod svojih ranijih Zaključaka Skupštine Regionalne advokatske komore Zenica broj: 355/19 od 12.04.2019. godine i Upravnog odbora Regionalne advokatske komore Zenica broj: 517/19 od 13.06.2019. godine, s u kojima je između ostalog navedeno da glavnica, kamate, te troškove parničnog i izvršnog postupka treba isplatiti u skladu sa sudskim rješenjima o izvršenju koja su dostavljena banci na provođenje i to na račune punomoćnika tražitelja izvršenja označenih u rješenju o izvršenju i u skladu sa redoslijedom potraživanja kod banke, u skladu sa članom 167. Zakona o izvršnom postupku.

Advokati Edin Hrnjić i Fuad Prnavorac su bili stava, da ukoliko se isplata po navedenim presudama bude vršila prioritarno mimo redoslijeda utvrđenog članom 167. Zakona o izvršnom postupku, onda se isplata mora izvršiti u skladu sa sudskim rješenjima o izvršenju koja su dostavljena banci na provođenje i datim punomoćima, tj. na račune advokata – punomoćnika tražilaca izvršenja koji su aplikante zastupali pred domaćim sudovima.

Ministarstvo finansija Zeničko-dobojskog kantona je na navedenom sastanku pokušalo da razriješi sve postojeće dileme po pitanju izvršenja predmetnih odluka Evropskog suda za ljudska prava, ali s obzirom na potpuno različita mišljenja učesnika sastanka, nije bilo moguće postući jedinstven zaključak po navedenim pitanjima.

Ministarstvo finansija Zeničko-dobojskog kantona se svojim aktom broj: 07-06-1326-5/19 od 15.10.2019. godine obratilo REGIONALNOJ ADVOKATSKOJ KOMORI ZENICA za stav o načinu postupanja po Presudama Evropskog suda za ljudska prava. Međutim, po navedenom zahtjevu nije pristigao pismeni odgovor.

Ministarstvo finansija Zeničko-dobojskog kantona je dana 21.10.2019. godine zaprimilo akt Ureda zastupnika Savjeta ministara BiH pred Evropskim sudom za ljudska prava, broj: 11-Ai-2/19-584/19 od 16.10.2019. godine, u kojem je između ostalog navedeno:

„ponovo Vas pozivamo da, **bez odlaganja**, pristupite izvršenju presuda..., te da nas o preduzetim radnjama obavijetite, kako bismo tu informaciju mogli proslijediti Komitetu ministara Savjeta Evrope koji nadzire izvršenje presuda i prijateljskih nagodbi...”

Dana 28.10.2019. godine Ministarstvo finansija Zeničko-dobojskog kantona je zaprimilo akt Advokatskog društva Adil Lozo i drugi broj: A.L. s-551-8/19 od 28.10.2019. godine, u kojem je između ostalo navedeno:

„bez obzira na činjenicu da su aplikanti - povjerioci ovlastili Advokatsko društvo, radi ekonomičnosti postupka, da izvrši naplatu na povjerenički račun i isplatu na račun aplikanta, mi Vam u prilogu dostavljamo originalne potvrde o brojevima računa kod banaka za svih 166 aplikanta - povjerioca sa izvršenim obračunom od strane vještaka finansijske struke ...“

Ministarstvo finansija Zeničko-dobojskog kantona je dana 01.11.2019. godine zaprimilo akt - Izjašnjenje punomoćnika tražilaca izvršenja, koje je dostavljeno od strane advokata Fuada Prnjavorca, a u kojem isti traži da se isplata glavnog duga, kamata i eventualno troškova izvršnog i parničnog postupka po Rješenjima o izvršenju Općinskog suda u Tešnju broj: 39 0 I 008608 10 I od 05.04.2010. godine, broj: 39 0 I 034456 13 I od 23.09.2013. godine, broj: 39 0 I 022852 11 I od 14.12.2011. godine, broj: 39 0 I 040220 15 I od 17.09.2015. godine, broj: 39 0 I 008183 10 I od 02.03.2010. godine, broj: 39 0 I 022856 11 I od 13.12.2011. godine, broj: 39 0 I 008240 10 I od 06.04.2010. godine i broj: 39 0 I 008236 10 I od 11.03.2010. godine, izvrši na njegov račun kao punomoćnika tražilaca izvršenja.

Ministarstvo finansija Zeničko-dobojskog kantona je dana 06.11.2019. godine zaprimilo akt – Dostava obračuna potraživanja i dokaza, koji je dostavljen od strane advokata Obralića Mesuda iz Kaknja, a u kojem isti traže da se isplata glavnog duga, kamata i troškova izvršnog i parničnog postupka po Rješenjima o izvršenju Općinskog suda u Zenici (čiji je broj i datum naveden u pomenutom aktu), izvrši na njegov račun kao punomoćnika tražilaca izvršenja.

Nakon toga, Ministarstvo finansija Zeničko-dobojskog kantona je dana 06.11.2019. godine zaprimilo akt - Izjašnjenje punomoćnika tražilaca izvršenja, koje je dostavljeno od strane advokata Mujkić Azijade iz Zenice, a u kojem ista traži da se isplata glavnog duga, kamata i eventualno troškova izvršnog i parničnog postupka po Rješenjima o izvršenju Općinskog suda u Zenici broj: 43 0 Rs 063431 14 I od 08.04.2014. godine, broj: 43 0 P 015497 11 I od 16.12.2011. godine, broj: 43 0 Rs 068880 15 I od 24.04.2015. godine, broj: 43 0 Mal 003274 13 I od 30.01.2014. godine i broj: 43 0 Rs 068877 13 I od 09.12.2013. godine, izvrši na njegov račun kao punomoćnika tražilaca izvršenja.

Također, Ministarstvo finansija Zeničko-dobojskog kantona je u periodu od 31.10.2019. godine do 05.11.2019. godine zaprimilo slične akte dostavljene od strane advokata Ljubović Bakira, Bratić Mladenke, Maide Grizović i Edina Hrnjića, a u kojem isti traže da se isplata glavnog duga, kamata i troškova izvršnog i parničnog postupka po rješenjima o izvršenju (čiji su brojevi i datumi navedeni u pomenutim aktima), izvrši na njihove račun kao punomoćnika tražilaca izvršenja.

Međutim, nakon toga dana 04.11.2019. godine i 05.11.2019. godine zaprimili smo Obavještenja pojedinih tražilaca izvršenja po gore navedenim rješenjima o izvršenjima da su dobili pravosnažne presude Evropskog suda za ljudska prava iz Strazbura, da su otkazali punomoći advokatima koji su ih zastupali pred domaćim sudovima, te da se isti ne mogu legitimirati kao njihovi punomoćnici u bilo kojem postupku.

U prilogu navedenih Obavještenja dostavljeni su nam i Podnesci o otkazu punomoći advokatu Fuadu Prnjavorcu od strane tražilaca izvršenja: Hinović Emine, Škiljo Mine, Kiličević Seada, Mahmutović Nermine, Halilović Mensura, Halilović Alme, Dizdarević Belme, Rošić Sabine, Brba Erne, Memić Sadete, Sejdić Smaje, Zaimović Hafiza, Plančić Jasmine, Plančić Muste, Bavrak Enise, Plančić Nesmira, Spahić Nafe, Hafizović Fikreta, Srkalović Sulje, Delić Halila, Pobrić Muje, Begunić Fedžada, Begunić Ernada, Alispahić Samele, Plančić Sakiba, Hasanbašić Mustafe, Huskić Suada i Agić Arife.

U Podnescima o otkazu punomoći obavještava se Općinski sud u Tešnju i drugi upravni organi da gore imenovani otkazuju punomoći advokatu Fuadu Prnjavorcu, koji ih je zastupao pred Općinskim sudom u Tešnju, a u vezi sa njihovim pravom na naplatu potraživanja i obavještavaju da njihov bivši punomoćnik više nije ovlašten da ih zastupa u ovome ili bilo kojem drugom predmetu, te da se u njihovo ime legitimise kao punomoćnik.

Istovremeno obavještavaju da nisu saglasni da se bilo koje isplate vrše mimo njihove volje izražene u Ovlaštenju za naplatu potraživanja, a na osnovu presude Evropskog suda za ljudska prava, te dodatno izjavljuju da se isplata može izvršiti na njihove račune kod banaka, a o čemu je obavještena i Vlada Zeničko-dobojskog kantona.

Također, nakon toga dana 18.11.2019. godine i dana 19.11.2019. godine zaprimili smo Podneske o otkazu punomoći advokatu Bakiru Ljuboviću od strane: Avdije Spahića, Munevera Bajramovića, Isaković Rašida, Almira Mustabašića, Kovač Hanasa i Senada Kavazovića, tražilaca izvršenja po gore navedenom Rješenju o izvršenju.

U navedenim Podnescima o otkazu punomoći advokatu Bakiru Ljuboviću od strane navedenih tražilaca izvršenja obavještava se Općinski sud u Zenici i drugi upravni organi da gore imenovani otkazuju punomoći advokatu Bakiru Ljuboviću, koji ih je zastupao pred Općinskim sudom u Zenici, a u vezi sa njihovim pravom na naplatu potraživanja i obavještavaju da njihov bivši punomoćnik više nije ovlašten da ih zastupa u ovome ili bilo kojem drugom predmetu, te da se u njihovo ime legitimise kao punomoćnik.

Istovremeno obavještavaju da nisu saglasni da se bilo koje isplate vrše mimo njihove

volje izražene u Ovlaštenju za naplatu potraživanja, a na osnovu presude Evropskog suda za ljudska prava, te dodatno izjavljuju da se isplata može izvršiti na njihove račune kod banaka, a o čemu je obaviještena i Vlada Zeničko-dobojskog kantona.

Nakon toga dana 19.11.2019. godine zaprimili smo i Podneske o otkazu punomoći advokatu od strane ukupno 45 tražilaca izvršenja uglavnom po istim Rješenjima o izvršenju Općinskog suda u Zenici, po kojima je advokat Obraliya Mesuda iz Kaknja tražio isplatu sredstava na svoj račun.

U navedenim Podnescima o otkazu punomoći advokatu od strane tražilaca izvršenja obaviještava se Općinski sud u Zenici i drugi upravni organi da gore imenovani otkazuju punomoći advokatu koji ih je zastupao pred Općinskim sudom u Zenici, a u vezi sa njihovim pravom na naplatu potraživanja i obaviještavaju da njihov bivši punomoćnik više nije ovlašten da ih zastupa u ovome ili bilo kojem drugom predmetu, te da se u njihovo ime legitimije kao punomoćnik.

Istovremeno obaviještavaju da nisu saglasni da se bilo koje isplate vrše mimo njihove volje izražene u Ovlaštenju za naplatu potraživanja, a na osnovu presude Evropskog suda za ljudska prava, te dodatno izjavljuju da se isplata može izvršiti na njihove račune kod banaka, a o čemu je obaviještena i Vlada Zeničko-dobojskog kantona.

S tim u vezi, Ministarstvo finansija Zeničko-dobojskog kantona se svojim aktima broj: 07-06-16319/19 od 18.11.2019. godine, broj: 07-14-58-1/19 od 18.11.2019. godine i broj: 07-14-58-2/19 od 20.11.2019. godine, obratilo Općinskom sudu u Tešnju i Općinskom sudu u Zenici za informaciju o statusu rješenja o izvršenju i načinu isplate po istim, odnosno da li su zaprimili Podneske o otkazima punomoći i ukoliko jesu, kakav je status navedenih rješenja o izvršenju, da li su ista izmijenjena i izmjene dostavljene u ASA banku Sarajevo, a s obzirom da je u predmetnim rješenjima o izvršenju navedeno da se isplata tražiocima o izvršenju vrši na račune punomoćnika tražilaca izvršenja tj. Advokata.

Također, tražen je stav od navedenih sudova o tome na koji način u konkretnom slučaju izvršiti isplatu sredstava po predmetnim rješenjima o izvršenju, odnosno na čiji račun, a u slučaju donošenja Odluke Vlade Zeničko-dobojskog kantona za isplatu.

Dana 08.11.2019. godine sa početkom u 11 sati u prostorijama Ministarstva finansija Zeničko-dobojskog kantona održan je sastanak sa predstavnicima aplikanata, kojem je prisustvovalo ukupno 17 aplikanata.

Na navedenom sastanku aplikanti su iznijeli svoje zahtjeve da se odmah izvrši isplata po predmetnim presudama i to na njihove lične račune, a ne na račune njihovih punomoćnika – advokata koji su ih zastupali pred domaćim sudovima.

Dana 11.11.2019. godine Grupa aplikanata po tužbi je dostavila Obavijest Ministarstvu finansija u kojoj između ostalog navode da ukoliko ne bude donesena odluka o isplati troškova do 15.11.2019. godine po Presudama Evropskog suda, najavljuju mirno okupljanje svih aplikanata pred zgradom Vlade Zeničko-dobojskog kantona.

Dana 11.11.2019. godine Ministarstvo finansija Zeničko-dobojskog kantona je Kantonalnoj pravobraniteljici Zlati Marjanović, REGIONALNOJ ADVOKATSKOJ KOMORI ZENICA, predstavnicima aplikanata, Advokatskom društvu Adil Lozo i drugi d.o.o. Travnik i advokatima koji su aplikante zastupali pred domaćim sudovima (advokatu Edinu Hrnjiću, Fuadu Prnavorcu, Ljubović Bakiru, Bratić Mladenki, Maidi Grizović, Mujić Azijadi, Obraliya Mesudu i Edina Hrnjića) uputilo Poziv na radni sastanak u vezi izvršenja presuda Evropskog suda za ljudska prava u Strazburu.

Sastanak je održan dana 13.11.2019. godine sa početkom u 10 sati, a istom su prisustvovali predstavnici svih pozvanih organa osim advokatskog društva Adil Lozo i drugi predstavnika aplikanata.

Naime, Advokat Adil Lozo je dostavio Obavijest broj: A.L. s-551/19 od 12.11.2019. godine, u kojoj je između ostalog naveo nije u mogućnosti odazvati se pozivu zbog već

preuzetih obaveza.

Također, predstavnici aplikanata su se pismeno izjasnili da ne pristaju na bilo koje nove sastanke po navedenom pitanju i pregovore sa advokatima koji su ih zastupali pred domaćim sudovima.

Sastanku je prisustvovao i Ministar Ministarstva za pravosuđe i upravu.

Na navedenom sastanku je iznijet jedinstven stav prisutnih advokata, predstavnika Regionalne advokatske komore i Kantonalnog pravobranilaštva da bi se prilikom isplate po navedenim domaćim presudama moralo voditi računa o redosljedu utvrđenom Zakonom o izvršnom postupku, a u slučaju da se već bude vršila prioritena isplata po predmenim presudama, onda se mora postupati u skladu sa rješenjima o izvršenju domaćih sudova i isplata izvršiti na račune advokata punomoćnika navedenih u rješenjima o izvršenju. Kad je u pitanju otkazivanje punomoći od strane pojedinih tražioca izvršenja svojim advokatima koji su ih kao punomoćnici zastupali pred domaćim sudovima, stav pristnih je bio da se na osnovu navedenih otkaza punomoći moraju putem nadležnih sudova provesti zakonom propisani postupci izmjena rješenja o izvršenju i dostava izmijenjenih rješenja ASA banci dd Sarajevo.

Zlata Marjanović, Kantonalni pravobranilac je iznijela stav da eventualno otkazivanje punomoći od strane aplikanata svojim punomoćnicima - advokatima koji su ih zastupali pred domaćim sudovima u BiH bez odgovarajuće odluke suda nije pravovaljano.

Dana 18.11.2019. godine Ministarstvo finansija Zeničko-dobojskog kantona je zaprimilo Obavijest 166 aplikanata po tužbama u Strazburu.

U navedenoj Obavijesti isti obavještavaju da od Policijske uprave I Zenica traži donošenje Rješenja o mirnom okupljanju aplikanata u terminu od 10,30 do 11,30 sati u dane 19., 20., 21., i 22.11.2019. godine ispred zgrade Vlade Zeničko-dobojskog kantona. U istom aktu aplikanti navode da će zahtijevati: donošenje Odluke o isplati novčanih potraživanja odmah, smjenu Premijera, ministra finansija i ministra za pravosuđe i upravu, te najavljuju podnošenje pojedinačnih krivičnih prijava od strane aplikanata, protiv Premijera, ministra finansija i ministra za pravosuđe i upravu.

Ministarstvo finansija Zeničko-dobojskog kantona je dana 19.11.2019. godine zaprimilo akt Ureda zastupnika Savjeta ministara BiH pred Evropskim sudom za ljudska prava, broj: 11-Ai-3/18-666/19 od 14.11.2019. godine, u kojem je između ostalog navedeno:

„da se Evropskom sudu kontinuirano podnose aplikacije koje povlače isto pitanje, te da je stoga potrebno hitno preduzeti mjere kojima će se taj trend zaustaviti...Odjeljenje za izvršenje presuda Evropskog suda predlaže da se organizuje dodatne bilateralne konsultacije o tom pitanju, po mogućnosti u decembru 2019. godine...Slijedom navedenog, molimo Vas da Uredu zastupnika, što prije moguće dostavite decidnu i konciznu informaciju o konkretnim mjerama preduzetim u cilju izvršavanja presuda domaćih sudova, koje su bile predmet postupka pred Evropskim sudom za ljudska prava...“.

Dana 19.11.2019. godine sa početkom u 12 sati u prostorijama Ministarstva finansija Zeničko-dobojskog kantona održan je sastanak sa predstavnicima aplikanata, kojem je prisustvovalo ukupno 5 predstavnika aplikanata. Sastanku je prisustvovao i Ministar Ministarstva za pravosuđe i upravu.

Na navedenom sastanku aplikanti su iznijeli svoje zahtjeve da Vlada Kantona što prije donese odluku o isplati sredstava po predmetnim presudama na njihove lične račune, a ne na račune njihovih punomoćnika – advokata koji su ih zastupali pred domaćim sudovima, s obzirom isti otkazuju punomoći svojim advokatima koji su ih zastupali pred domaćim sudovima, da su sredstva za navedenu namjenu planirana u Budžetu Kantona za 2019. godinu i s obzirom da je prema mišljenjima Agenta savjeta ministara BiH isplata po navedenim presudama ima prioritet u odnosu na domaće propise.

Na sastanku su aplikanti informisani da će Ministarstvo finansija pripremiti jednu informaciju za narednu sjednicu Vlade Kantona, a u vezi problematike izvršenja predmetnih presuda.

Broj: 07-06-1326-3/19
Z e n i c a, 19.11.2019. godine

MINISTAR

Josip Lovrić

DOSTAVLJENO:

1x Ured premijera,
1x Ministarstvo finansija,
1x Ministarstvo za pravosuđe i upravu,
1x Kantonalno pravobranilaštvo Zenica,
1x Ministarstvo za ljudska prava i izbjeglice,
 Ured zastupnika/agenta Savjeta ministara BiH pred
 Evropskim sudom za ljudska prava Sarajevo,
1x a/a.